



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/03, 34/03 i 65/13), Odluke o utvrđivanju standarda i kriterija Vlade Zeničko-dobojskog kantona za imenovanja/nominiranja na upražnjenu poziciju u reguliranim tijelima Zeničko-dobojskog kantona („Službene novine Zeničko-dobojskog kantona, broj: 4/15, 7/15 i 11/16), Ministarstvo za rad, socijalnu politiku i izbjeglice Zeničko-dobojskog kantona, objavljuje

PONOVNI JAVNI OGLAS

za imenovanje na pozicije članova Upravnog odbora JU Centar za djecu i odrasle osobe s posebnim potrebama Zeničko-dobojskog kantona, jedan član- predstavnik iz reda zaposlenih u JU Centar za socijalni rad/ nadležne općinske službe za socijalnu zaštitu na području Zeničko-dobojskog kantona i jedan član- predstavnik iz reda roditelja/staratelja djece ili odraslih osoba s posebnim potrebama Zeničko-dobojskog kantona

I. Oglašavaju se upražnjene pozicije u JU Centar za djecu i odrasle osobe s posebnim potrebama Zeničko-dobojskog kantona (u daljem tekstu: Ustanova)

Upravni odbor

1. Član- predstavnik iz reda zaposlenih u JU Centar za socijalni rad/nadležne općinske službe za socijalnu zaštitu sa područja Zeničko-dobojskog kantona.....1
2. Član- predstavnik iz reda roditelja/staratelja djece ili odraslih osoba s posebnim potrebama.....1

II. Opis pozicije

Donosi Statut javne ustanove, imenuje i razrješava direktora uz saglasnost Vlade, utvrđuje planove rada i razvoja, utvrđuje godišnji program rada, donosi finansijski plan i usvaja godišnji obračun, donosi opći akt o unutrašnjoj organizaciji i sistematizaciji poslova uz saglasnost Vlade, donosi druge opće akte u skladu sa zakonom i Statutom Ustanove, odlučuje o svim pitanjima obavljanja djelatnosti radi kojih je javna ustanova osnovana, usmjerava, kontroliše i ocjenjuje rad direktora, rješava sva pitanja odnosa Ustanove sa osnivačem, odlučuje o korištenju sredstava preko iznosa utvrđenog pravilima Ustanove, podnosi osnivaču najmanje jedanput godišnje izvještaj o poslovanju Ustanove i vrši druge poslove u skladu sa zakonom i Statutom JU „Centar za djecu i odrasle osobe s posebnim potrebama“.

III. Svaki kandidat za upražnjenu poziciju treba da ispunjava sljedeće opće i posebne uvjete

Opći uvjeti:

- a) da je državljanin Bosne i Hercegovine;
- b) da je stariji od 18 godina;
- c) da nije otpušten iz državne službe, kao rezultat disciplinske mjere (bilo na nivou države ili entiteta), u periodu od tri godine prije dana objavljivanja upražnjene pozicije;
- d) da se na njega ne odnosi član IX.1. Ustava Bosne i Hercegovine;
- e) da nije na funkciji u političkoj stranci, u smislu člana 5. Zakona o ministarskim, vladinim i drugim imenovanjima u Federaciji Bosne i Hercegovine;
- f) da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organi vlasti u Federaciji BiH („Službene novine F BiH“, broj: 70/08);
- g) da nema privatni i/ili finansijski interes u instituciji u kojoj se kandiduje;
- h) da nije osuđivan za krivično djelo nespojivo sa imenovanjem na dužnost u instituciji u kojoj se kandiduje, pet godina od dana pravosnažnosti presude, isključujući vrijeme zatvorske kazne;
- i) da mu nije izrečena zaštitna mjera zabrane obavljanja aktivnosti, tri godine od dana pravosnažnosti odluke o izrečenoj zaštitnoj mjeri.

IV. Posebni uvjeti:

- a) VSS, VII stepen stručne spreme, dokaz o završenom visokom obrazovanju, odnosno prvog (najmanje 240 ECTS bodova) drugog ili trećeg ciklusa Bolonjskog sistema studiranja, a izuzetno VŠS (VI) za člana Upravnog odbora iz reda roditelja/staratelja djece ili odraslih osoba s posebnim potrebama,
- b) najmanje pet godina radnog iskustva nakon sticanja tražene stručne spreme iz tačke a);
- c) da nije član nadzornog ili upravnog odbora, odnosno odbora za reviziju, nekog privrednog društva ili institucije;
- d) komunikacijske i organizacijske sposobnosti;
- e) sposobnost tumačenja ekonomskih i pravnih analiza i propisa.

V. Prijave kandidata treba da sadrže kraću biografiju, adresu i kontakt telefon

Uz prijavu potrebno je dostaviti:

- a) Uvjerenje o državljanstvu ne starije od 6 mjeseci ili CIPS potvrdu;
- b) Rodni list;
- c) Univerzitetsku diplomu,
- d) Uvjerenje/potvrda o radnom iskustvu u skladu sa traženom stručnom spremom;
- e) Uvjerenje/potvrda da kandidatu nije izrečena zaštitna mjera zabrane obavljanja aktivnosti/djelatnosti, tri godine od dana pravosnažnosti odluke o izrečenoj zaštitnoj mjeri izdato od nadležnog Općinskog suda prema mjestu prebivališta kandidata;
- f) Ovjerenu izjavu kandidata iz tačke III. ovog oglasa – Opći alineje c), d), e), f) i g).

Napomena:

Dokaz da kandidat nije osuđivan za krivično djelo od nadležnog MUP-a službeno će se tražiti za kandidate koji budu predloženi za konačno imenovanje.

Svi priloženi dokumenti moraju biti u originalu ili ovjerenoj kopiji.

Svi kandidati koji se uvrste na listu sa užim izborom, bit će pozvani na intervju pred Komisijom za izbor. Prilikom pozivanja kandidata na intervju, svaki kandidat mora ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja. Obrasci će se dostaviti kandidatima prije intervjua.

Lični podaci o podnosiocima prijava su tajni i mogu se prikupljati i obrađivati samo u skladu sa Zakonom o zaštiti ličnih podataka BiH („Službeni glasnik BiH“; broj: 49/06, 76/11 i 89/11).

Kandidati koje nakon intervjua preporuči Komisija za izbor, smatrat će se da su najuspješnije prošli otvorenu konkurenciju.

U slučaju kada postoje dokazi da u postupku imenovanja nisu ispoštovani principi ili postupci utvrđeni Zakonom o ministarskim, vladinim i drugim imenovanjima Federacije BiH, zainteresovana stranka može podnijeti prigovor na konačno imenovanje. Prigovor se podnosi Vladi Zeničko-dobojskog kantona, putem kantonalnog Ministarstva za rad, socijalnu politiku i izbjeglice, a kopija se dostavlja Uredu ombudsmena za ljudska prava Bosne i Hercegovine.

Oglas će biti objavljen u „Službenim novinama Federacije BiH“, dnevnom listu „Dnevni avaz“ i na web stranici zeničko-dobojskog kantona.

Oglas za podnošenje prijava ostaje otvoren petnaest (15) dana od dana posljednjeg javnog objavljivanja. Prijave sa svim traženim dokumentima **sa naznakom za koju poziciju se kandidat prijavljuje**, treba dostaviti u ZATVORENOJ KOVERTI na Protokol Zeničko-dobojskog kantona ili poštom preporučeno, sa naznakom „**Prijava na Javni oglas – ne otvarati**“, na sljedeću adresu:

ZENIČKO-DOBOJSKI KANTON
Ministarstvo za rad, socijalnu politiku i izbjeglice
Ul. Kučukovići br. 2
72000 Zenica

Neblagovremene i nepotpune prijave neće biti uzete u razmatranje.

MINISTRIČA
Azra Šabanović

